

## ■ GLOSSA

# «Dr.»

DA SILVIO CAMENISCH

Oje. Ussa vegnin nus autstudegiads da la pitschna Rumantschia aber oho vidlonder da laschar intercurir betg sin epo, sin dretgs titels da dr. Era vus professers titulars vegnis vidlonder. Vus loschas academicras vegnis vidlonder pir da dretg. A mai èsi er nagliur endretg, ma i sto crai jau esser. Ins vul er savair nua ch'ils pileschs rumantschs, tgenins er egal, han ils gnirunchels. Tutg jau tar l'elita spiertala, la creme, e tar quella tutg jau cun mes titel da dr., uschiglio na sai jau betg pli tge, dorm jau betg notg pli ruassaivel. Jau na sai segir ni il di ni la notg ch'ellas vegnan. Segir è ch'ellas vegnan baud u tard, las controllas. Jau m'empos betg.

Jau, dunna ferma ed intellectuala, hai promovì cun in tetel da dr. legal, qua mettes jau per mai la detta en mias plajas ed era mes amis la mettesan, sun jau segira tschientpro. Moralmain ed emoziunalmain stun jau da vart dretga da mes babs spiertals; mia diss è vegnida remartgada tranter medems sco stgars insacur avant, ella è stada da l'emprima ura davent bestseller sin il Plattenteller da tuttas miss rumantschas, jau manegel diss, e vegnida celebrada dals docturs-experts sco nov evangeli tenor la neodocetra. Èn ils docturs insatge sco animals ospitants, èn las doctorandas lur parasits, meinen Sie nicht auch?

Mia diss distinguida cun tuts predicats pussaivels, daplirs na fissan betg stads pussaivel, dastga sa mussar, dastg'ins duvvar, dastg'ins citar nua



ch'i fa da basegn, e gliez fai per l'entir territori linguistic. La concorrenza na dorma betg, ella ha er anc cazzola! Noss missiunaris nunstanclentaivels sin viadis da missiun per nossa chausa, legian ord mes evangeli, en lungatg dal pievel. Mes evangeli è era vegnì il dretg mument al dretg lieu tar las dretgas persunas. Sin tuts noss Albisgüetli e lur albisgüetlidenner-satellits vegn mes cudesch tant sco liturgic celebrà cun auzar si e bitschar giu.

Mia diss festivada sco mo insatge è en urden, din ils detecturs da manzognas montads vi da mes corp, nagliur da quai da parasits denturn, ussa hai jau aber suà! Ils detecturs da manzognas, quels na din schon segir betg manzognas, quels betg, jau era betg enfin ch'ins n'ha betg mussà insatge cuntrari, avessan oscillà auter vehement cun lingias da ziczac, die hätten also anders ausgeschlagen! (Insatge en atgna chausa: Jau in glossist segir betg doctorà, uschia insatge na savess jau betg, dovr conscienta-main tranteren er tschepa da lego tudestga, deutsche Legowortbausteine, pli gugent quella che tschella, che na faschess betg meglra la glossa.)

Jau suttamet gugent mia diss per stuair laschar far magnetresonanztomografias (MRI) per intercurir sin malignoms dals sains u tgenins, Herr Doktor. Jau na tem betg Vossa diagnosa, il Segnerexpert e gea cun mai. Jau less enavos mia diss, subit! Da mesanotg èn las controllas da fauss titels da «dr.» vegnidas sco grenadieras en nossa chombra da durmir. Nus durmivan schon, ed avain stuì interromper subit sin cumond. La pussanza da cumandar uschia insatge, il coitus interruptus, è dada a las controllas u pertge fissan quella vegnidas?

Sto jau laschar plaschair uschia insatge? Onns a la lunga hai jau purtà loschamain la corna, in titel da honoris causa, sun vegnì numnà lasuenter correctamain repetidamain en la gassetta dal pievel, quella rapporta dals noss e per ils noss, ed emblida era nagins titels. In grond veneratur e fetischist da titels na sun jau mai stà, jau mai. In titel da dr. u almain prof. faschess segir meglie mes products scrits. Qualitad und Nachhaltigkeit en il product vegn dumandà oz tar mintga product e mintga viaduct. Mes product vegn gea controllà cun MRI dals medis oncologs sin malignoms e chemoterapias pussaivlas, sche insumma, tar mai. Nua ch'ellas fan senn, sind nachhaltig, Herr Doktor!, uschiglio mor jau gugent subit. I va schon segir senza mai sin quest mund, meglie che cun mai.

Ultima dumonda fitg persunala a la lingua da telefons d'experts averta enfin mesanotg: Sun jau in miserabel uman, sun jau betg en possess d'in titel da docter u professor? Jau crai schon.